

Ecclesia Dei. Contremesce et effuge, invocato nomine Domini illius quem inferi tremunt, cui virtutes cœlorum, et potestates, et dominationes subjectæ sunt, quem cherubin et seraphin indefessis vocibus laudant. Imperat tibi Verbum caro factum; imperat tibi natus ex virgine, imperat tibi Jesus Nazarenus, qui te, cum discipulos ejus contemneres, illæsum et prostratum exire jussit ab homine. Quo præsentem, cum te ab homine separasset, nec porcorum gregem

A præsumebas contingere. Recede ergo nunc adjuratus in nomine ejus ab homine quem ipse plasmavit. Durum tibi est, Christo velle resistere, durum est tibi contra stimulum calcitrare; quia quanto tardius exis, tanto tibi supplicium majus crescit, quoniam non hominem contemnis, sed illum qui dominator vivorum et mortuorum est. Qui venturus est judicare vivos et mortuos *.

* Hic finis erat libri Sacramentorum Grimoldi abbatis in præcipuo codice ms. Coloniensi. Quia tamen in prologo hujus libri etiam Præfationum meminuit quas in fine codicis hujus posuerit, et Benedictionum ab episcopo super populum dicendarum, nec non ejus quod in codice B. Gregorii ad gradus inferiores in Ecclesia constituendos, non habetur, patet esse mutilum codicem. Porro ad Præfationes quod attinet, quia nullus codicum ms. separatim eas continebat, ad Præfationes sub calcem primi tomi positas lectorem remittimus (a) uti etiam ad Ordinem Romanum, quod ad gradus inferiores attinet.

B Cæterum Benedictiones episcopales (quarum fragmentum quoque erat sub finem Coloniensis præcipui codicis alia manu scriptum) ex ms. cod. Ultrajectino, et alio quodam Coloniensi, qui episcopalium functionum Ordinem complectebatur descripsimus. Et Coloniensis quidem hic Codex viginti quatuor Dominicarum post octavas Pentecostes Benedictiones suppeditavit, quas idcirco etiam et quod cum evangelii Dominicarum concordiam habere videntur, priore loco collocavimus. Undecim vero quæ solæ erant in Ultrajectino codice post has reposuimus.

(a) In nostra editione statim sequuntur Benedictiones episcopales. *Edit.*

BENEDICTIONES EPISCOPEALES

PER ANNI CIRCULUM.

JACOBI PAMELII MONITUM.

« Benedictionem episcopalem, inquit Radulphus Tungrensis, de Can. Observ., propos. ult., Martialis episcopus, apostolorum discipulus, ex magisterio apostolorum tradidit, Ambrosius dicere cœpit, isque mos ex eo usquequaque convaluit. Apostolicus autem hanc tantum quæ finita missa dicitur, dicit. » Pulchre profecto paucis his verbis integram rei seriem complexus est, divinorum officiorum indagator, si quis alius diligentissimus. Et vero primis illis sæculis usitatum hanc benedictionem comprobatur ex locis DD. Damaso, Ambrosio, Hieronymo, Augustino, Carthaginiensis concilii Patribus, Leone Magno et Agathensi concilio, mutuatis. Quorum loci

C citati, uti recte interpretatur Micrologus, cap. 21, has benedictiones, sicuti et Toletano concilio statutum fuit, ante communionem ab episcopis olim factas indicant: quod etiamnum observari videmus ab episcopo Parisiensi, dum publicum missæ sacrificium celebrat. Harum exemplar per anni circulum adjecisse se dicto prologo testatur Grimaldus. « Addidimus, inquit, etiam et benedictiones, ab episcopo super populum dicendas. » Quare et libro Sacramentorum ipsius eas subjecimus, in eorum gratiam apud quos adhuc viget hic benedictionum ritus, etsi jam inde ab ætate Radulphi Romæ a summo pontifice non observatus.

BENEDICTIONES DE ADVENTU DOMINI.

« Omnipotens Deus, cujus Unigeniti adventum et præteritum creditis, et futurum exspectatis, ejusdem adventus vos illustratione sanctificet, et sua benedictione locupletet. Amen.

In præsentis vitæ stadio vos ab omni adversitate defendat, et se vobis in judicio placibilem ostendat. Amen.

Quo a cunctis peccatorum contagiis liberati, illius tremendi examinis diem exspectetis interriti. Amen.

Quod ipse præstare dignetur, qui cum Patre et Spiritu sancto vivit et gloriatur Deus, per omnia sæcula sæculorum. Amen.

Benedictio Dei Patris † et Filii † et Spiritus sancti †, et pax Domini sit semper vobiscum. Amen.

D

Item alia.

Omnipotens Deus vos placido vultu respiciat, et in vos suæ benedictionis donum infundat. Amen.

Et qui hos dies incarnatione Unigeniti sui fecit solemnes, a cunctis præsentis et futuræ vitæ adversitatibus vos reddat indemnes. Amen.

Et qui de adventu Redemptoris nostri secundum carnem devota mente lætamini, in secundo, cum in majestate sua venerit, præmiis æternæ vitæ dimitini. Amen.

Quod ipse præstare dignetur.
Benedictio Dei Patris.

Item alia.

Deus, cujus adventus incarnationis præteritus creditur, et judicii venturus exspectatur, vos antequam veniat, expiet ab omni contagione delicti. Amen.

Prius in vobis diluat omne quod illa futura examinatione puniturus est, ut cum justus advenerit iudex, non in vobis inveniat quod condemnet. Amen.

Quo veniente, non incurritis supplicium æternum, sed donis remuneremini sempiternis. Amen.

Quod ipse præstare dignetur.

Benedictio.

Item alia.

Deus, qui vos et prioris adventus gratia reparavit, et in secundo daturum se vobis regnum cum sanctis angelis repromisit, adventus sui vos illustratione sanctificet. Amen.

Vincula vestra dissolvat antequam veniat, ut liberati a vinculis peccatorum, interriti tremendum ejus expectetis adventum. Amen.

Et quem venisse in terris pro vestra salute creditis, venturumque ad iudicium sustinetis, ejus adventus gloriam impavidi mereamini contueri.

Quod ipse præstare dignetur.

Benedictio.

BENEDICTIO PROXIMA DOMINICA NATIVITATI DOMINI.

Excita, Domine, potentiam tuam, et veni ad salvationem populi tui, quem acquisisti sanguine tuo, ne in ejus perditione sævus ille exsulet inimicus, quem adventus tui potentia dulcum liberasti per gratiam. Amen.

Sit fortitudo dexterae tuae ad protectionem hujus familiae tuae, pro qua dignatus es hoc tempore carnem induere virginalem. Amen.

Ut dum infirmitatem nostram tua clementia non ignoras, omnem hanc Ecclesiam tuam tuae divinitatis clypeo protegas. Amen.

Quod ipse præstare.

Benedictio.

IN VIGILIA NATALIS DOMINI VEL THEOPHANIÆ.

Deus, qui Filii sui Domini nostri Jesu Christi humilitate jacentem mundum dignatus est erigere, suæ vos benedictionis capaces dignetur efficere. Amen.

Ut veterem deponentes Adam cum actibus suis illius conversatione vivatis, qui post Deum creatus est in justitia et sanctitate veritatis. Amen.

Sicque ab eo hodie sanctificationem mereamini, quatenus nativitatem Salvatoris die crastina celebraturi, convenientibus illi obsequiis existatis accepti. Amen.

Quod ipse præstare.

Benedictio.

B. IN NOCTE NATALIS DOMINI PRIMO GALLICIUM.

Omnipotens Deus, qui incarnatione Unigeniti sui mundi tenebras effugavit, et ejus gloriosa nativitate hanc sacratissimam noctem irradiavit, effuget a vobis tenebras vitiorum, et irradiet corda vestra luce virtutum. Amen.

Quique ejus sacratissimæ nativitatis gaudium magnum pastoribus ab angelo voluit nuntiari, ipse super vos benedictionis suæ gratissimum imbrem in-

fundat, atque ipso pastore vos ad æternorum gaudiorum pascua æterna perducatur. Amen.

Et qui per ejus incarnationem terrena cœlestibus sociavit, æternæ pacis et bonæ voluntatis nectare vos repleat, et cœlestis militiæ consortes efficiat. Amen.

Quod ipse præstare

Benedictio.

B. IN NOCTE NATALIS DOMINI, PRIMO MANE.

Omnipotens Deus, qui omne genus humanum tenebris infidelitatis obcæcatum, visitatione veræ lucis hodie illustravit, ipse vos intrinsecus et extrinsecus gratiæ suæ benedictione illuminet. Amen.

Ut pannosis tenebrarum operibus abjectis, lucis justitiæ vestimentis adornati, decenter incedatis, patrum videlicet exemplis calciati, castitate renes accincti, Christum induti, scuto fidei muniti, gladio sancti Spiritus armati, galea spei decorati, charitatis pallio cooperti. Amen.

Quatenus hoc amictu per hostium cuneos illæsi transeuntes, et immunes, ad regem vestrum, quem in præsepio parvulum invenere pastores, in regnum cœlorum perveniat ovantes. Amen.

Quod ipse præstare.

Benedictio.

B. IN DIE NATALIS DOMINI.

Benedicat vos omnipotens Deus, vestramque ad superna excitet intentionem, qui hanc sacratissimam diem nativitate Filii sui fecit esse solemnem. Amen.

Et qui eum, qui panis est angelorum, in præsepio Ecclesiæ cibum fecit esse fidelium animalium, ipse vos et in præsentem sæculo degustare faciat æternorum dulcedinem gaudiorum, et in futuro perducatur ad satietatem [at., societatem] æternorum præmiorum. Amen.

Quique ejus infantiam vilibus voluit indui pannis, ipse vos cœlestium vestimentorum inducat ornamentis. Amen.

Quod ipse præstare dignetur, cujus regnum.

B. IN NATALI S. STEPHANI.

Deus, qui B. Stephanum protomartyrem coronavit, et confessione fidei, et agone martyrii, mentes vestras circumdet in præsentem sæculo corona justitiæ, et in futuro perducatur vos ad coronam gloriæ. Amen.

Illius obtentu tribuat vobis Dei et proximi charitate semper exuberare, qui hanc studuit etiam inter lapidantium impetum obtinere. Amen.

Quo ejus exemplo roborati, et intercessione muniti, ab eo quem ipse a dextris Dei vidit stantem, mereamini benedici. Amen.

Quod ipse præstare dignetur, qui cum Patre.

B. IN NATALI S. JOANNIS.

Omnipotens Deus dignetur vobis per intercessionem B. Joannis apostoli et evangelistæ benedicere, qui per eum arcana verbi sui voluit Ecclesiæ revelare. Amen.

Concedat vobis, ut quod ille Spiritus sancti munere afflatus vestris auribus infudit, ejusdem Spiritus dono capere mente valeatis. Amen.

Quo, ejus documento de divinitate nostri Redemptoris edocti, et amando quod tradidit, et prædicando quod docuit, et exsequendo quod jussit, ad dona pervenire mereamini, quæ idem Dominus noster Jesus Christus repromisit. Amen.

Quod ipse præstare.

B. IN NATALI INNOCENTUM.

Omnipotens Deus, pro cujus Unigeniti veneranda infantia, infantum innocentum catervas Herodis funesti peremit sævitia, suæ vobis benedictionis tribuat dona gratissima. Amen.

Et qui eis concessit ut unicum Filium ejus Dominum nostrum non loquendo, sed moriendo confiterentur, concedat vobis ut fidem veram, quam lingua vestra fatetur, etiam mores probi, et vita inculpabilis fateatur. Amen.

Quique eos primitivum fructum sanctæ suæ suscepit Ecclesiæ, cum fructu honorum operum vos faciat pervenire ad gaudia æternæ patriæ. Amen.

Quod ipse præstare dignetur.

B. DOMINICA POST NATALE DOMINI.

Deus, qui Unigenitum suum misit ut mundum salvaret, ejusdem salutis vos participes efficiat, et in ea perseverabiles reddat. Amen.

Iram, quæ super infideles manet, a vobis amoveat, et ab ea vos in perpetuum liberos efficiat. Amen.

Spiritum Filii sui vobis attribuat, ejusque donis vos affatim exuberare concedat. Amen.

Quod ipse præstare dignetur.

B. IN OCTAVA DOMINI.

Omnipotens Deus, cujus Unigenitus hodierna die, ne legem solveret, quam adimplere venerat, corporalem suscepit circumcisionem, spiritali circumcisione mentes vestras ab omnibus vitiorum incentivis expurget, et suam in vos infundat benedictionem. Amen.

Et qui legem per Moysen dedit, ut per mediatorum nostrum benedictionem daret, exuat vos mortificatione vitiorum, et faciat perseverare in novitate virtutum. Amen.

Quo sic in senarii numeri perfectione in hoc sæculo vivatis, et in septenario inter beatorum spirituum agmina requiescatis, quatenus in octavo resurrectione renovati, jubilæi remissione ditati, ad gaudia sine fine mansura perveniatis.

Quod ipse præstare dignetur.

B. IN THEOPHANIA.

Deus lumen verum, qui Unigenitum suum hodierna die, stella duce, gentibus voluit revelare, sua vos dignetur benedictione ditare. Amen.

Quo, exemplo magorum, mystica Domino Jesu Christo munera offerentes, spreto antiquo hoste, spreteque contagiis vitiorum, ad æternam patriam redire valeatis per viam virtutum. Amen.

Detque vobis veram mentium innocentiam, qui super Unigenitum suum Spiritum sanctum demonstrari voluit per columbam; eaque virtute mentes vestræ exercentur ad intelligenda divinæ legis arcana, qua in Cana Galilææ lympha in vinum conversa est. Amen.

Quod ipse præstare dignetur.

B. IN OCTAVA THEOPHANIE.

Deum mirabilium et virtutum auctorem supplices exoramus, ut qui se tunc mundi lumen stellæ prodidit lumine, et ad quem claritate sideris magi pervenerunt orandum, ipse ignoscendo se vobis concedat agnoscendum. Amen.

Et qui dignatus est hodie ad Jordanis fontem, fons aquæ vivæ descendere, ut per lavacrum sancti corporis ipsas aquas dilueret, ipse vos interius et exterius ab omni crimine clementer expurget. Amen.

Quique rursus hac eadem die, in Cana Galilææ rogatus ad nuptiarum convivium, aquas viles præcipuum convertit in vinum, ipse vilitatem mortalium corporum vestrorum gloria resurrectionis absorberi faciat in æternum. Amen.

Quod ipse præstare, etc., cujus regnum.

B. DOMINICA I POST THEOPHANIAM.

Deus qui Filii sui temporalem pueritiam fecit esse mirabilem, spiritu prudentiæ corda vestra illustrare ac docere dignetur. Amen.

Quique illum parentibus temporaliter subdi voluit, ipse vos humilitatis et pietatis muneribus miseratus informet. Amen.

Et qui eum sapientia, ætate et gratia proficere tribuit, spiritalium vobis profectuum incrementa propitius largiatur. Amen.

Quod ipse præstare.

B. DOMINICA II POST THEOPHANIAM.

Deus, qui sua mirabili potestate aquam vertit in vinum, vos a vetustate subtractos in beatæ vitæ transferat novitatem. Amen.

Et qui nuptiis interesse voluit, ut earum sua præsentia comprobaret bonum, ipse vobis castitatis et sobrietatis perpetuæ conferat donum. Amen.

Ipse vobis sanctarum intelligentiam Scripturarum tribuat spiritali qui aquas in vina vertendo, hoc ipsum voluit designare. Amen.

Quod ipse præstare.

B. DOMINICA III POST THEOPHANIAM.

Omnipotens Deus vos ab omnium peccatorum maculis emundet, qui leprosum supplicem tacto proprio dignatus est emundare. Amen.

Quique centurionis servum non aspernatus est visitare, ipse cordium vestrorum hospitium dignetur misericorditer introire. Amen.

Sicque vos fidei suæ plenitudine informet, ut cum sanctis suis in cælorum regno accumbere contendant. Amen.

Quod ipse.

B. DOMINICA IV POST THEOPHANIAM.

Tentationum omnium a vobis Dominus pericula removeat, et perturbationum procellas miseratus excludat. Amen.

Tentatoris fraudes atque molimina dissolvat, et vos adversus eum cautos atque invincibiles faciat. Amen.

Continuæ pacis vobis munera tribuat, et vos in portum tranquillitatis ac securitatis propitiatus constituat. Amen.

Quod ipse.

B. DOMINICA V POST THEOPHANIAM.

Deus, qui bonum semen in sua Ecclesia serere consuevit, in vobis illud conservare atque multiplicare nunquam desistat. Amen.

Zizaniorum superseminatorem a vobis procul repellat, et sui verbi pabulo vos indesinenter reficiat. Amen.

Quo, cum dies iudicii advenerit, a reprobis separati, ad dexteram iudicis sistamini, et in beatissimo ipsius regno collocemini. Amen.

Quod ipse præstare.

B. DOMINICA VI POST THEOPHANIAM.

Deus qui mare suis pedibus fecit esse calcabile, vobis quicquid est noxium, ipse substernat. Amen.

Contrarios immundorum spirituum motus com-pescat, et vos in sua pace confirmet. Amen.

Crucis suæ navi inter mundi fluctus gubernet, et in littus beatæ perennitatis perducat. Amen.

Quod.

B. IN PURIFICATIONE SANCTÆ MARIE.

Omnipotens Deus, qui Unigenitum suum hodierna die in assumpta carne in templo voluit præsentari, benedictionis suæ vos munere fultos, bonis operibus faciat exornari. Amen.

Et qui eum, ut legem adimpleret, ministrum voluit effici legis, mentes vestras instruat legis suæ spiritalibus documentis. Amen.

Quo ei et pro turturibus, castitatis et charitatis munera offerre valeatis; et pro pullis columbarum, Spiritus sancti donis exuberetis. Amen.

Quod ipse.

B. IN SEPTUAGESIMA.

Ipse vos in Ecclesia sua fructificare faciat qui ad excolendam vineam suam, mane, hora tertia, sexta, nona, et undecima operarios invitat. Amen.

Quatenus inter primos operantes nec extremis invidentes, mercedem laborum vestrorum sine murmure et increpatione percipiatis. Amen.

Ut cum his qui membris Christi minimis subvenire curarunt, in novissimo magni iudicii die benedicti atque in æterna tabernacula introduci mereamini. Amen.

Quod ipse præstare dignetur, cujus potestas nec initio, nec fine coangustatur, in sæcula sæculorum. Amen.

B. IN SEXAGESIMA.

Dator omnium bonorum Christus, bonum semen

A in cordibus vestris seminare, et ad maturitatem congruam dignetur perducere. Amen.

Quo nec a dæmonibus comestum, nec duritia cordis arefactum, nec spinis suffocatum, centenarium possit reddere fructum. Amen.

Quatenus in ultimo discrimine, quando multi pro crimine, uti zizania igni comburenda, tradentur, vobis manipulas frugum vestrarum portantibus, horrea cælorum aperiantur. Amen.

Quod summa Trinitas præstare dignetur, quæ quibuslibet foris impendentibus ministerium, ipsa sola intrinsecus dare potest incrementum, in sæcula sæculorum. Amen.

B. IN QUINQUAGESIMA.

Lumen indeficiens Deus, qui ad illuminationem nostram lumen de se genitum in hunc mundum dirigere voluit incarnatum, ipse aperire dignetur oculis præcordiorum vestrorum. Amen.

Quatenus ipsum sequentes, et alios ad laudem Dei accendatis et ipsi ad domum Dei æternam in cælis perveniatis. Amen.

In quam per ipsum et ostium et ostiarium introducti, divinis laudibus in sæcula sæculorum permanetis intenti. Amen.

Quod ejus dignatione fieri postulemus, qui quos ante sæculum præcivit et prædestinavit, et ante finem sæculi vocavit et justificavit, in fine sæculi glorificabit in sæcula sæculorum. Amen.

B. DOMINICA I QUADRAGESIMÆ.

C Benedicat vobis omnipotens Deus, qui quadragenarium numerum in Moysi et Eliæ, nec non Mediatoris nostri jejunio consecravit, concedatque vobis ita transigere præsentis vitæ dispensationem, ut accepto a patrefamilias remunerationis denario, perveniatis ad peccatorum omnium remissionem, et ad gloriosam cum sanctis omnibus resurrectionem. Amen.

Detque vobis spiritalium virtutum invictissima, [al., invicticia] arma, quibus exemplo Domini devincere valeatis antiqui hostis sagacissima tentamenta. Amen.

Quo non in solo pane, sed in omni verbo quod de ore ejus procedit, spiritalium sumentes alimoniam, per jejuniorum observationem, et cæterorum bonorum operum exhibitionem, percipere mereamini immarcescibilem gloriæ coronam. Amen.

Quod ipse.

B. DOMINICA II QUADRAGESIMÆ.

Omnipotens Deus, jejunii cæterarumque virtutum dedicator atque amator, sua vos benedictione sanctificet. Amen.

Accendat in vobis piæ devotionis affectum, et præbeat supplicantibus suum benignus auditum. Amen.

Quatenus mentes vestræ, sinceris purgatæ jejuniis, bonorum omnium [al., operum] exuberent incrementis. Amen.

Quod ipse.

B. DOMINICA III QUADRAGESIMÆ.

Omnipotens Deus jejuniorum vestrorum victimas clementer accipiat, et sua vos benedictione dignos efficiat. Amen.

Mentes vestras ita parcimoniæ bono contra vitia muniat, præceptorum suorum doctrinis erudiat, charitatis dono repleat, ut vos in omnibus sibi placere concedat. Amen.

Quatenus, præsentis Quadragesimæ diebus devotissime celebratis, ad paschalia festa purificatis cordibus accedere valeatis. Amen.

Quod ipse.

B. DOMINICA IV QUADRAGESIMÆ.

Deus qui vos ad præsentium quadragesimalium dierum medietatem dignatus est perducere, ipse vos sua miseratione dignetur benedicere. Amen.

Abstinentiam vestram præteritam acceptet, futuram ita sibi placitam reddat, ut sicut ab illicitis cibis, ita vos etiam a vitiis omnibus abstinere concedat. Amen.

Quatenus de præteritis et de futuris spiritualium charismatum frugibus ei grates persolventes, ad sanctum Pascha pervenire possitis indemnes. Amen.

Quod ipse.

B. DOMINICA V QUADRAGESIMÆ.

Accendat in vobis Dominus vim sui amoris, et per jejuniorum observantiam, infundat in vobis donum suæ benedictionis. Amen.

Sic ei parcimoniæ victimas offeratis, ut illi contriti cordis, et humilitatis sacrificio placeatis. Amen.

Quatenus oratio vestra, jejunii et eleemosynæ alis subvecta, ita ad aures vestri conditoris ascendat, ut vos æternæ beatitudinis hæredes et supernorum civium consortes efficiat. Amen.

Quod ipse.

B. DOM. INDULGENTIÆ.

Benedicat vobis omnipotens Deus, cui et jejuniorum maceratione et præsentium dierum observatione placere studetis. Amen.

Concedatque vobis, ut sicut ei cum ramis palmarum cæterarumve frondium præsentari studuistis, ita cum palma victoriæ et fructu honorum operum ei post obitum apparere valeatis. Amen.

Quique unigeniti Filii ejus passionem puro corde creditis, mente devota venerari studetis, ad resurrectionis festa et vestræ remunerationis præmia, ipsius fulti munimine, veniatis. Amen.

Quod ipse.

B. IN CÆNA DOMINI.

Benedicat vobis omnipotens Deus, qui per Unigeniti sui passionem vetus pascha in novum voluit converti, concedatque vobis ut, expurgato veteris fermenti contagio, nova in vobis perseveret conspersio. Amen.

Et qui ad celebrandam Redemptoris nostri cœnam mente devota convenistis, æternarum dapium vobis cum epulas reportetis. Amen.

Ipsiusque opitulante clementia, mundemini a cor-

A dibus peccatorum, qui ad insinuandum humilitatis exemplum, pedes voluit lavare discipulorum. Amen.
Quod ipse.

B. DE PASSIONE DOMINI.

Omnipotens Deus, qui Unigeniti sui passione tribuit vobis humilitatis exemplum, concedat vobis per eandem humilitatem percipere suæ benedictionis ineffabile donum. Amen.

Ipsius resurrectionis percipiatis consortia, cujus patientiæ veneramini documenta. Amen.

Quo ab eo sempiternæ vitæ munus percipiatis, per cujus temporalem mortem, æternam vos evadere creditis. Amen.

Quod ipse præstare.

B. IN SABBATO SANCTO.

Deus qui de Ecclesiæ suæ utero intemerato novos populos producens, eam, virginitate manente, nova semper prole fecundat, fidei, spei et charitatis vos munere repleat, et suæ in vos benedictionis dona infundat. Amen.

Et qui hanc sacratissimam noctem Redemptoris nostri resurrectione voluit illustrare, mentes vestras peccatorum tenebris mundatas, virtutum copiis faciat coruscare. Amen.

Quo eorum qui modo renati sunt, innocentiam imitari certetis, et vascula mentium vestrarum, exemplo præsentium luminum illustretis, ut cum bonorum operum lampadibus, ad hujus sponsi thalamum, cujus resurrectionem celebratis, cum prudentibus virginibus intrare possitis. Amen.

Quod ipse præstare.

B. IN DIE SANCTO PASCHÆ.

Benedicat vos omnipotens Deus, hodierna interveniente Paschali solemnitate, et ab omni, miseratus, dignetur defendere pravitate. Amen.

Et qui ad æternam vitam Unigeniti sui resurrectione vos reparat, in ipsius adventu immortalitatis vos gaudiis vestiat. Amen.

Et qui, expletis jejuniorum sive passionis Dominicæ diebus, paschalis festi gaudia celebratis, ad ea festa quæ non sunt annua sed continua, ipso opitulante, exsultantibus animis veniatis. Amen.

Quod ipse præstare dignetur, qui devicta morte, Patri sanctoque Spiritui coæqualis, vivit et gloriatur Deus, per omnia sæcula sæculorum. Amen.

B. IN OCTAVA PASCHÆ.

Deus, cujus unigenitus hodierna die discipulis suis, januis clausis, dignatus est apparere, suæ vos benedictionis donis locupletare et cœlestis vobis regi januas dignetur aperire. Amen.

Ut qui ab eorum pectoribus tactu sui corporis vulnus amputavit dubietatis, concedat ut per fidem, qua eum resurrexisset creditis, omnium delictorum maculis careatis. Amen.

Et qui eum cum Thoma Deum et Dominum creditis, et cernuis vocibus invocatis, ab eo et in hoc

sæculo a malis omnibus tueri, et in futuro sanctorum cœtibus ascisci valeatis. Amen.

Quod ipse.

ITEM B. DE RESURRECTIONE DOMINI.

Benedicat vos omnipotens Deus, qui vos gratuita miseratione creavit, et in resurrectione Unigeniti sui spem vobis resurgendi concessit. Amen.

Resuscitet vos de vitiorum sepulcris, qui eum resuscitavit a mortuis. Amen.

Ut cum eo sine fine feliciter vivatis, quem resurrexisset a mortuis veraciter creditis. Amen.

Quod ipse.

Alia.

Deus, qui per resurrectionem Unigeniti sui vobis contulit et bonum redemptionis et decus adoptionis, suæ vobis conferat præmia benedictionis. Amen.

Et quo redimente percepistis donum perpetuæ libertatis, eo largiente, consortes efficiamini æternæ hæreditatis. Amen.

Et qui consurrexistis in baptismate credendo, adungi mereamini in cœlesti regione bene vivendo. Amen.

Quod ipse.

Item alia.

Deus, qui pro vobis suscepit injuriam crucis, lætitia vos innovet suæ resurrectionis. Amen.

Et qui pendenti secum in cruce latroni remisit delictum, vos absolvat a cunctis nexibus peccatorum. Amen.

Ut per redemptionis vestræ mysterium et digne conversemini in opere, et locupletius æterna perfruamini remuneratione. Amen.

Quod ipse.

Item alia.

Deus qui vos lavit aqua sui lateris, et redemit effusione cruoris, ipse in vobis confirmet gratiam adeptæ redemptionis. Amen.

Per quem renati estis ex aqua et Spiritu sancto, ipse vos cœlesti consociet regno. Amen.

Quique dedit vobis initia sanctæ fidei, ipse conferrat et perfectionem operis, et plenitudinem charitatis. Amen.

Quod ipse, etc., cujus.

Item alia.

Domine Deus noster vos perducet ad arborem vitæ, qui eruit de lacu miserix. Amen.

Ipse vobis aperiat januam paradisi, qui confregit portas inferni. Amen.

Ipse vos eruat a flagello, et in regnum suum perducet confidentes, qui pati dignatus est pro impiis innocens. Amen.

Quod ipse, etc. qui cum Patre.

Item alia.

Omnipotentis Dei et Domini nostri benedictionibus repleamini, cujus estis sanguine pretioso redempti. Amen.

Ejus vos indeficiens repleat gratia, cujus ineffabilis plasmavit potentia. Amen.

Ut qui vobis in hoc mundo præstitit conditionem

A nascendi, ipse in regno æterno tribuat mansionem sine fine vivendi. Amen.

Quod ipse, etc., qui cum Patre.

Item alia.

Deus qui, calcatis inferni legibus, captivitatem nostram, resoluta catenarum compage, dignatus est ad libertatis præmia revocare, ipse vobis præstet ita hanc vitam transigere, ut in illam perpetuam, ipso duce, possitis intrare. Amen.

Tantum præbeat vobis fervorem catholicæ fidei, ut sancti adventus illius sitis expectatione securi. Amen.

Ut quicumque hic meruerunt purgari unda baptismi, ibi præsentari valeant pio judici candidati. Amen.

B Quod ipse, etc.

B. DE SANCTA CRUCE.

Benedicat vos de cœlis omnipotens Deus, qui per crucem et sanguinem passionis suæ vos dignatus est redimere in terris. Amen.

Ipse vos renovet a vetustate peccati, qui pro vobis dignatus est crucifigi; vosque ad cœlestia suscitiet, qui pro vobis inferos penetravit. Amen.

Vitam suam vobis Dominus tribuat, qui mortem vestram suscepit et perdidit. Amen.

Quod ipse, etc., cujus.

Item alia.

Benedicat vobis omnipotens Deus, qui per Unigeniti sui Jesu Christi Domini nostri passionem et crucis patibulum genus redemit humanum. Amen.

Concedatque vobis ut cum omnibus sanctis quæ sit ejusdem crucis longitudo, latitudo, sublimitas et profundum, mente devota comprehendere possitis. Amen.

Quatenus vosmetipsos abnegando, crucemque gestando, ita in præsentis vitæ stadio Redemptorem nostrum possitis sequi, ut ei inter choros angelorum post obitum mereamini ascisci. Amen.

Quod ipse.

B. IN DIE ASCENSIONIS DOMINI.

Benedicat vobis omnipotens Deus, cujus Unigenitus hodierna die cœlorum alta penetravit, et vobis ubi ille est ascendendi aditum patefecit. Amen.

Concedatque propitius ut sicut post resurrectionem suam discipulis visus est manifestus, ita vobis in iudicium veniens videatur placatus. Amen.

Et quem consedere Patri in sua majestate creditis, vobiscum manere usque in finem sæculi secundum suam promissionem sentiatis. Amen.

Quod ipse.

B. IN VIGILIA PENTECOSTES.

Benedicat vobis omnipotens Deus, ob cujus Paraleti adventum mentes vestras jejuniis observantia præparatis, et præsentem diem solemnibus laudibus honoratis. Amen.

Instar modo renatorum infantium talem innocentiam habeatis, ut templum sancti Spiritus, ipso tribuente, esse possitis. Amen.

Atque idem Spiritus veritatis ita vos hodie sua **A** habitatione dignos efficiat, ut cras vestris mentibus se, vobiscum perpetim habitaturus, infundat; et perfecto præsentis vitæ curriculo, vos ad cœlestia regna perducatur. Amen.

Quod ipse præstare dignetur, qui cum Patre et Filio unus Deus vivit et regnat per omnia sæcula sæculorum. Amen.

Item alia.

Deus Pater omnipotens, qui, exaltato Christo Filio suo, discipulis ejus Spiritum paracletum, sicut promiserat, infudit, eodem vos purificari et consolari dignetur. Amen.

Ut in vobis in hoc sæculo manens, vos in futuro ad visionem suam perducatur. Amen.

Ac ipsum Filium suum, quem impii in iudicio in hominis visuri sunt forma, post iudicium vobis in majestate sua conspicabilem reddat. Amen.

Quod ipse.

B. IN DIE SANCTO PENTECOSTES.

Deus, qui hodierna die discipulorum mentes Spiritus paracleti infusione dignatus est illustrare, faciat vos sua benedictione repleri, et ejusdem Spiritus donis exuberare. Amen.

Ille ignis qui super discipulos apparuit, peccatorum vestrorum sordes expurget, et sui luminis infusione corda vestra perlustret. Amen.

Quique dignatus est diversitatem linguarum in unius fidei confessione adunare, in eadem vos faciat fide perseverare, et per hanc ad speciem [*al.*, specie **C** suæ celsitudinis] pervenire. Amen.

Quod ipse.

Item alia.

Deus, qui apostolos, Christi Filii sui recessu quasi orphanos factos, hodie adventu Spiritus sancti reddidit consolatos, ipso vos semper inhabitante, ab omni malitia faciat alienos. Amen.

Et qui eos charitate donavit omnium linguarum, vos ditet gratia cunctarum virtutum. Amen.

Ut hic unanimes, uno ore honorificantes Deum, cum ipsis perveniatis ad regna cœlorum. Amen.

Quod ipse.

B. IN OCTAVA PENTECOSTES.

Effundat super vos Dominus spiritum gratiæ et **D** precum, spiritum agnitionis et dilectionis suæ, et sanctæ spei. Amen.

Requiescat super vos spiritus sapientiæ et intellectus, spiritus consilii et fortitudinis, spiritus scientiæ et pietatis, repleatque vos spiritu timoris Domini. Amen.

Spiritus ejus qui suscitavit Jesum a mortuis, habitet in vobis, ut immortalitatis ejus participatione per infinita sæcula gaudeatis. Amen.

Quod ipse.

Item alia.

Deus qui regeneravit vos ex aqua et Spiritu sancto, ipse vos in suo constituat regno. Amen.

Ut invisibiliter eodem Spiritu instructi, Filii ejus **fiatis adoptivi. Amen.**

Et a potestate tenebrarum recedentes, in conspectu ipsius perseveretis lucentes. Amen.

Quod ipse.

B. DOMINICA I POST OCTAVAM PENTECOSTES.

Charitate sua vos Dominus replere dignetur, ut beata vos hæreditate muneretur. Amen.

Quatenus per timorem ejus castum, gehennæ evadentes tormentum, ad supernum gaudentes perveniatis paradisum. Amen.

Ut inde conspectis malorum poenis quas ejus gratia evasistis, debitas ei gratiarum actiones in ævum persolvatis. Amen.

Quod ipse.

DOMINICA II.

Deus Pater omnipotens, qui vos ad suam vocavit **cœnam**, humiliter sibi obsequentes perducatur ad illam. Amen.

Ut infelicibus circa terrestria detentis, vos felices et expediti ad cœlestia perveniatis. Amen.

Nec in aliquo vestrum Deus inveniat quod expulsionem sit dignum, sed quod præmium mereatur beati. Amen.

Quod ipse.

DOMINICA III.

Omnipotens Deus, qui Unigenitum suum ad ovem **direxit erroneam**, per ipsum vos ad mansionem perducatur supernam. Amen.

Et interim vos a leonum et luporum defendat **insidiis**, donec ad segura pascua conscendatis. Amen.

Ut fiat de vobis gaudium in cœlis, quod per fidem **diabolum devicistis in terris. Amen.**

Quod ipse.

DOMINICA IV.

Misericors Deus misericordes vos faciat, ut vobis **misericordiam dignanter impendat. Amen.**

Et ita vos doceat judicare, ne merito vos **debeat condemnare. Amen.**

Sed imitatores patientiæ Christi **effectos**, in futura gloria constituat in ævum **securos. Amen.**

Quod ipse.

DOMINICA V.

Obedientes vos Dominus præstet apostolicæ **doctrinæ**, ut hæredes fiatis benedictionis **æternæ. Amen.**

Et eorum precibus de profundo hujus mundi **liberati**, cum eis possessores gaudeatis regni **superui. Amen.**

Ut cum animadversionem judicis pavescent mala **facientes**, oculi Domini demulceant vos **exultantes. Amen.**

DOMINICA VI.

Baptisma quod accepistis in Christo, ejus gratia **conservetis illæsum in mundo. Amen.**

Ut in ipso commortui peccatis, in novitate vitæ **semper ambuletis. Amen.**

Et omni temeritate mentis et linguæ sive operis

devitata, oblatio devotionis vestrae Deo Patri fiat accepta. Amen.

Quod ipse p.

DOMINICA VII.

Ab omni peccato emundatos efficiat vos Dominus sanctificatos. Amen.

Ut tales fructus afferatis, de quibus ipsi placere valeatis. Amen.

Et hic spiritalibus cibis enutriti, ad coenam nuptiarum agni veniatis securi. Amen.

Quod ipse praestare dignetur, qui veritas manens et vita, vobis dignatus est fieri via et esca: cujusque imperium sine fine permanet saecula saeculorum. Amen.

DOMINICA VIII.

Ita vos Dominus omnipotens tribuat facta carnis mortificare, ut digni fiatis cum ipso regnare. Amen.

Et hic ejus Spiritu justificati, in futuro appareatis Filii Dei. Amen.

Ut falsis et malis merito damnatis, vos gratia Dei, ut sol splendeat. Amen.

Quod ipse p.

DOMINICA IX.

Ab omnibus concupiscentiis malis evacuatos vos Dominus restituat immaculatos. Amen.

Et liberatos a tentationibus, praestet pollere virtutibus. Amen.

Ut innocentia vitae et eleemosynarum largitate, perfruamini beata aeternitate. Amen.

Quod ipse p.

DOMINICA X.

A blasphematoribus Christi discernens vos Dominus, adnumeret suis fidelibus confessoribus. Amen.

Ut multiplici sancti Spiritus dono ditati, in omnibus inveniamini bonis perfecti. Amen.

Nec ejectionem de domo Dei mereamini aeterna, sed in saecula saeculorum habitetis in ea. Amen.

Quod ipse p.

DOMINICA XI.

Per passionem Christi justificatos, per resurrectionem ejus vos Dominus reddat glorificatos. Amen.

Ut gratia ipsius de indignis digni, et de minimis efficiamini magni. Amen.

Nec tamen de sanctitate gloriantes, despiciatis aut condemnetis adhuc peccantes. Amen.

Quod ipse p.

DOMINICA XII.

Idoneos sibi vos Dominus faciat ministros munere sui Spiritus instructos.

Ut auribus et ore Christo devoti, ejus fiatis praerogatio digni. Amen.

Quatenus ita vivatis ut ad laudem Dei et alios accendatis. Amen.

DOMINICA XIII.

Qui vos promissionis patrum tribuit esse participes, eorum faciat esse cohaereditas. Amen.

Ut qui in Adam de paradiso lugetis ejecti, per Christum gaudeatis reducti. Amen.

Et alios ipsius imitatione, vitae concilietis aeternae. Amen.

Quod ipse p.

DOMINICA XIV.

Tribuat vobis Dominus carnis desideria contemere, ut spiritu possitis ambulare. Amen.

Emundet vos a lepra interioris contagio, ut digni fiatis sanctorum consortio.

Et hic mundatori vestro gratias agentes ad caelestem Hierusalem perveniatis ovantes. Amen.

Quod ipse p.

DOMINICA XV.

Praestet vos Dominus superare cenodoxiam, ut veram pertingat ad gloriam. Amen.

Et hic seminantes justitiam, in futuro vitam metatis aeternam. Amen.

Et Creatori vestro devote servientes, cum ipso regnetis exultantes. Amen.

DOMINICA XVI.

In tribulatione vos faciat Dominus patientes, ut ejus fieri mereamini consortes. Amen.

Et hic Christo per fidem in vobis habitante, ad videndam claritatem illius possitis intrare. Amen.

Sejunctisque a vobis mortuorum bajulis, ipsam cum angelis sanctis collaudetis. Amen.

Quod ipse p.

DOMINICA XVII.

In unitate spiritus faciat vos Dominus ambulare, ut cum illo mereamini regnare. Amen.

Et baptismum servantes, Patri qui est supra omnia, praesentemini laetantes. Amen.

Et fictis debito rubore confusis, vos in aeterna gloria gaudeatis. Amen.

Quod ipse p.

SABBATUM IN XII LECT.

Dignos vos Deus efficiat suo sacerdotio, qui suo pro vobis non pepercit unigenito. Amen.

Ut in sancta conversatione perseverantes, ad illum etiam convertatis errantes. Amen.

Et pro sterilibus et incurvatis intercessores idonei fiatis. Amen.

Quod ipse p.

DOMINICA XVIII.

Deus, qui ditavit vos in verbo et scientia, conservet vos in vita immaculata. Amen.

Ut in adventu Filii ejus pareatis sine crimine, cujus estis emundati cruore. Amen.

Et impiis scabelli vice sub pedibus ejus positus, vos cum ipso sublimati consideretis. Amen.

Quod ipse p.

DOMINICA XIX.

Renovet vos omnipotens Deus, ut nobis esse debeat placatus. Amen.

Et depositis omnibus vitiis, in cunctis virtutibus fulgeatis. Amen.

Atque hic proximorum onera portantes, cum ipsis ad caelum veniatis exultantes. Amen.

Quod ipse p.

DOMINICA XX.

Concedat vobis omnipotens Dominus, ut hic caute ambulantes, ad regna cœlorum perveniatis indemnes. Amen.

Et sancti Spiritus pignore ditati, quondam appareatis corpus Filii Dei. Amen.

Cum quo ad æternas nuptias intrantes, sanctorum societate perfruamini gaudentes. Amen.

Quod ipse p.

DOMINICA XXI.

Confortet vos Deus omnipotens ad bellandas, etc.

Ut scuto fidei, galea spei, et charitatis cingulo muniti, placere valeatis summæ Trinitati. Amen.

Et per exempla credulitatis vestræ; et alii conversari discant honeste. Amen.

Quod ipse p.

DOMINICA XXII.

Auctor et inceptor omnium bonorum, consortes efficiat vos felicitium præmiorum. Amen.

Et magis ac magis abundantes in sua scientia, in diem Christi perducat sine offensa. Amen.

Insuper omnium debitorum contractus remittens, fidelibus servis adæquet miserescens. Amen.

Quod ipse:

DOMINICA XXIII.

Imitatores sanctorum faciat vos Dominus, ut vobis dignetur esse placatus. Amen.

Et hic crucis Christi amici perseverantes, cœlestis regni statis participes. Amen.

Quatenus imagine sua in vobis agnita, gaudia vobis tribuat infinita. Amen.

Quod ipse p.

DOMINICA XXIV.

Impleat vos Dominus agnitione voluntatis suæ, ut hæredes esse mereamini vitæ sempiternæ. Amen.

Et longanimitate patientiæ vestræ, Deo nutriantur animæ recte. Amen.

Quinetiam vitis languidi vel sceleribus mortui, visitatione sive tactu sanctitatis vestræ salvi inveniuntur et vivi. Amen.

B. DOMINICA I POST PENTECOSTEN.

Benedicat vobis Dominus nostri oris alioquo, et cor vestrum sinceri amoris copulet nexu perpetuo. Amen.

Floreatis rerum præsentium copiis justitia acquisitis, gaudeatis perenniter fructibus sincerissimæ charitatis. Amen.

Tribuat vobis Dominus dona perennia, ut post tempora feliciter dilatata, percipiat gaudia sempiterna. Amen.

Quod ipsé.

B. DOMINICA II POST PENTECOSTEN.

Emundet Dominus conscientias vestras ab omni malitia, et repleat sanctificatione perpetua. Amen.

Vota vestra clementer intendat, et peccata omnia propitiatus indulgeat. Amen.

A Quæ pie optatis, miseratus attribuat; et quæ pavescitis, pius propugnator procul repellat. Amen.

Quod ipse.

B. DOMINICA III POST PENTECOSTEN.

Amoveat a vobis Dominus totius maculas simultatis, et imbuat vos muneribus puræ dilectionis. Amen.

Subjuget a vobis reluctationem carnis et sanguinis, et opem conferat perpetuæ castitatis. Amen.

Atque vos in præsentis sæculo diligere faciat, quod a cœlestis paradisi hæreditate non dividat. Amen.

Quod ipse.

B. DOMINICA IV POST PENTECOSTEN.

Sanctificet vos Domini gratia; et ab omni malo B custodiat. Amen.

Arceat a vobis omne quod malum est, et spiritus vestros corporaque purificet. Amen.

Alliget vos sibi vinculo charitatis; et pax ejus abundet in cordibus vestris. Amen.

Quod ipse:

B. DOMINICA V POST PENTECOSTEN.

Deus, qui est vita mortalium salusque peccatorum; auferat a vobis omnes maculas delictorum. Amen.

Induat vos decore virtutum; sanctificet mentes; purificet voluntates; et donet vobis sanctorum consortium angelorum. Amen.

Ut probabiles fide, et opere immaculati, perveniatis ad æternam gaudiorum cœlestium hæreditatem. Amen.

C Quod ipse.

B. DOMINICA VI POST PENTECOSTEN.

Gratia sua vos Dominus locupletet, et cœlesti benedictione multiplicet. Amen.

Ab omni vos adversitate defendat, et pia semper miseratione custodiat. Amen.

Petitiones vestras placatus intendat, et culpæ omnium vobis veniam clementer attribuat. Amen.

Quod ipse.

B. DOMINICA VII POST PENTECOSTEN.

Benedictio vos Domini comitetur ubique, sibi que semper vos faciat adhærere. Amen.

D Ipse vos sua benedictione salvificet, qui dignatus est plasmare potenter. Amen.

Atque ita vos præstet feliciter vivere, ut cœlestis beatitudinis efficiat cohæredes. Amen.

Quod ipse.

B. DOMINICA VIII POST PENTECOSTEN.

Omnipotens Deus peccatorum vestrorum maculas expurget et sua vos benedictione illustret. Amen.

Repleat vos spiritualium donis virtutum, et perseverare faciat in bonis propositum vestrum. Amen.

Sicque humilitatem vestram benignus acceptet; ut suæ vos pietatis remuneratione locupletet. Amen.

Quod ipse.

^a Ex Ultrajectino codice altæ undecim priorum Dominicarum post Pentecosten Benedictiones.

B. DOMINICA IX. POST PENTECOSTEN.

Benedictionis Domini gratia vos semper protegat et ab omni malo defendat. Amen.

Mundet vos ab omni crimine peccatorum, et sibi-
met placere faciat in æternum. Amen.

Ibique vobis Dominus placatus occurrat, et suæ
benedictionis opem dignanter attribuat. Amen.

Quod ipse.

B. DOMINICA X. POST PENTECOSTEN.

Omnipotens Dominus adaperiat cor vestrum in
lege sua, et humiliet animas vestras ad capienda
mandata cœlestia. Amen.

Quidquid vobis pro salute animarum vestrarum os
mortalitatis nostræ enarrat, acceptum vobis pietas
divina efficiat. Amen.

Ut divinis sermonibus animati, cum eis qui pro
vobis vigilant, ad æternam beatitudinem mereami-
mini pervenire illasi. Amen.

Quod ipse.

B. DOMINICA XI POST PENTECOSTEN.

Concedat vobis Dominus præmium sincerissimæ
charitatis, ut cum omnibus semper in pace vivatis.
Amen.

Inimicorum omnium insidias superetis et præsen-
tem vitam sincerissime peragatis. Amen.

Sitis et jam a reatu conscientiæ liberi, ut nihil
metuatis in die iudicii postfuturi. Amen.

Quod ipse a.

B. IN NATALI S. JOANNIS BAPTISTÆ.

Benedicat vobis omnipotens Deus B. Joannis Bap-
tistæ intercessione, cujus hodie natalitia celebratis,
concedatque ut cujus solemnia colitis, patrocinia
sentiat. Amen.

Illius obtentu ab omnibus adversis tueamini, et
bonis omnibus perfruamini, qui adventum Redem-
ptoris mundi necdum natus agnovit, matris sterili-
tatem nascendo abstulit, patris linguam natus absol-
vit. Amen.

Quatenus ipsius Agni, quem ille digito ostendit,
cujus inmolatione estis redempti, ita virtutum
lanis vestiri, et innocentiam valeatis imitari, ut ei
in æternæ patriæ felicitate possitis adjungi. Amen.

Quod ipse.

B. IN NATALI APOSTOLORUM PETRI ET PAULI.

Benedicat vobis omnipotens Deus, qui vos beati
Petri saluberrima confessione in ecclesiasticæ fidei
fundavit soliditate. Amen.

Et quos beati Pauli sanctissima instruxit prædi-
catione, sua tueatur gratissima defensione. Amen.

Quatenus Petrus clave, Paulus sermone, utriusque
intercessione, ad illam vos certent patriam introdu-
cere, ad quam illi, alter cruce, alter gladio, hodierna
die pervenerunt. Amen.

Quod ipse.

B. IN FESTIVITATE S. MARIÆ.

Deus, qui per beatæ Mariæ virginis partum genuit

A humanum dignatus es redimere, sua vos dignetur
benedictione locupletare. Amen.

Ejus semper et ubique patrocinia sentiat, ex
cujus intermatro utero auctorem vitæ suscipere me-
ruistis. Amen.

Et qui ad ejus celebrandam festivitatem hodierna
die devotis mentibus convenistis, spiritualium gau-
diorum et æternorum præmiorum vobiscum munera
reportetis. Amen.

Quod ipse.

B. DE MARTYRIO S. JOANNIS BAPTISTÆ.

Deus, qui vos B. Joannis Baptistæ concedit solem-
nia frequentare, tribuat vobis et eadem devotis
mentibus celebrare, et suæ benedictionis dona per-
cipere. Amen.

Et qui pro legis ejus præconio carceralibus est
retrusus in tenebris, intercessione sua a tenebrosorum
operum vos liberet incentivis. Amen.

Et qui pro veritate, quæ Deus est, caput non est
cunctatus amittere, suo interventu ad caput vestrum,
quod Christus est, faciat pervenire. Amen.

Quod ipse.

B. IN COMMEMORATIONE OMNIUM SANCTORUM.

Sanctæ Dei genitricis Mariæ, beatorumque spiri-
tuum atque omnium sanctorum suorum intercessio-
nibus a periculis et reatibus eripiat, et protegat, et
exuat vos Dominus. Amen.

Quatenus quorum solemniam veneramini, fidem et
actus devotius imitemini, ut præmiorum beatitudi-
nem æternaliter consequi mereamini. Amen.

Quod quia condigna passione nemo meretur, ille
cujus miseratio nulla fine concluditur, multiplicatis
vobis intercessoribus largiatur. Amen.

Quod ipse præstare dignetur, qui cum Patre et
Spiritu sancto vivit et regnat Deus, per omnia sæcula
sæculorum. Amen.

Alia.

Per intercessionem supernorum civium custodiat
vos Dominus rector angelorum. Amen.

Ut eorum tutela contra spirituales et carnales ad-
versarios muniti, in numero filiorum Dei mereamini
computari. Amen.

Qui per omnimoda certaminum genera, ejus ineffa-
bili gratia pervenerunt ad cœlestia regna. Amen.

Quod ipse.

Alia.

Auctor et remunerator omnium bonorum, tribuat
vobis societatem sanctorum suorum. Amen.

Qui vel bene creati in ejus amore perstiterunt vel
culpa sua prolapsi, illius inæstimabili pietate sur-
reperunt. Amen.

Ut imitatione perfectorum Christicolarum, coha-
redes statis cœlestium virtutum. Amen.

Quod ipse.

Alia.

Benedictionis suæ vos Dominus omnipotens jugi-

* Huc usque Benedictiones Dominicales post Pentecosten habebat codex Ultrajectinus.

ter rore perfundat, atque uberrimis gratiæ suæ donis A
locupletet. Amen. cuius depositionis diem celebratis, illi pccatis in
cœlesti regione adjungi. Amen.

Faciât quoque vos omnium simul sanctorum suo-
rum semper intentos doctrinis, et infixos exemplis,
nec non et ipsorum continuis tutos esse suffragiis.
Amen.

Ut quorum hodie annua solemniter devotis menti-
bus festa celebratis in terris, eorundem perpetuis
heretamini collegiis inseparabiliter adunari in cœlis
Amen.

Quod ipse.

Item alia.

Omnipotens Deus, qui omnia pariter complectitur,
cursum vitæ vestræ propitiis moderetur. Amen.

Ut ad beatorum spirituum stabilitatem per man-
datorum ipsius perveniat observationem. Amen. B

Quique sanctos suos martyrio fecit idoneos regno
cœlorum, vos paupertate spiritus faciat consortes
eorum. Amen.

Quod ipse.

B. IN NATALI UNIUS APOSTOLI.

Deus, qui vos in apostolicis tribuit consistere
fundamentis, benedicere vos dignetur beati apostoli
sui N. intercedentibus meritis. Amen.

Defendatque vos a cunctis adversis, apostolicis
prædiis, qui vos eorum voluit ornari et munerari
exemplis et documentis. Amen.

Quo per eorum intercessionem perveniat ad
æternæ patriæ hæreditatem, per quorum doctrinam
tenetis fidei integritatem. Amen.

Quod ipse.

B. IN NATALI UNIUS MARTYRIS.

Beati martyris sui N. intercessione vos Dominus
benedicat et ab omni malo defendat. Amen.

Extendat in vos dexteram suæ propitiatiõnis, qui
eum suscepit per supplicia passionis. Amen.

Quo ejus in cœlo mereamini habere consortium,
cujus devotis mentibus in terra celebratis trium-
phum. Amen.

Quod ipse.

B. IN NATALI PLURIMORUM MARTYRUM.

Benedicat vos Dominus beatorum martyrum suo-
rum suffragiis, et liberet ab adversitatibus cunctis.
Amen.

Commendet vos intercessio gloriosa, quorum in D
conspetu ejus est mors pretiosa. Amen.

Ut sicut illi per diversa genera tormentorum cœ-
lestis regni sunt sortiti hæreditatem, ita vos eorum
mereamini consortium per operum exhibitionem.
Amen.

Quod ipse.

B. IN NATALI UNIUS CONFESSORIS.

Omnipotens Deus det vobis copiam suæ benedi-
ctionis, qui beatum N. sibi adscivit virtute confes-
sionis. Amen.

Et qui illum fecit coruscare miraculis, vos exor-
net bonorum operum incrementis. Amen.

Quo ejus exemplis eruditi et intercessione muniti;

quod ipse.

B. IN NATALI PLURIMORUM CONFESSORUM.

Sanctorum confessorum suorum N. meritis vos
Dominus faciat benedici, et contra adversa omni-
corum intercessione muniri. Amen.

Eorum vos efficiat suffragio felices, quorum festi-
vitatibus diem celebratis ovantes. Amen.

Quo eorum imitantes exempla, ad cœlestia perve-
nire possitis promissa. Amen.

Quod ipse.

B. IN NATALI UNIUS VIRGINIS.

Benedicat vobis Dominus qui beatæ virgini N. con-
cessit et decorem virginitatis, et gloriam passionis:
Amen.

Et cujus opitulatione illa meruit et sexus fragilita-
tem, et persequentium rabiem devincere, vos pos-
sitis et vestrorum corporum illecebras, et antiqui
hostis machinamenta superare. Amen.

Quo sicut illa sexu fragili virile visa est certamen
adire, et post certamen de hostibus triumphare, ita
vos in hac mortalitate viventes, valeatis et antiqui
hostem devincere, et ad regna cœlestia pervenire.
Amen.

Quod ipse.

B. IN NATALI PLURIMORUM VIRGINUM.

Omnipotens Dominus, intercedentibus sanctis vir-
ginibus suis, vos dignetur benedicere, qui de antiquo
hoste non solum per vivos, verum etiam per femi-
nas voluit triumphare. Amen. C

Et qui illis voluit centesimi fructus donum decore
virginatis et agone martyrii conferre, vos dignetur
et vitiorum squaloribus expurgare, et virtutum lam-
padibus exornare. Amen.

Quatenus virtutum oleo, ita pectorum vestrorum
lampades possint repleri, ut cum eis cœlestis sponsi
thalamum valeatis ingredi. Amen.

Quod ipse.

B. DE SANCTA TRINITATE.

Deus, ex quo sunt omnia, inspiret vobis desideria
justa. Amen.

Deus, per quem sunt omnia, ingredi vos faciat per
sua mandata. Amen.

Deus, in quo sunt omnia, sanctificet vos tuitione
sua. Amen.

Quod ipse præstare dignetur, qui, trinus et unus,
cuncta bona inchoat, perficit et conservat, et con-
servata sine fine remunerat in sæcula sæculorum.
Amen.

Item alia.

Benedicat vos Deus Pater, ex quo omnia; benedi-
cat vos Deus Filius, per quem omnia; benedicat Deus
Spiritus sanctus, in quo omnia. Amen.

Benedicat vos trinus et unus Deus omni benedi-
ctione cœlesti, sanctosque et puros efficiat in con-
spectu suo. Amen.

Superabundent in vos divitiæ gloriæ ejus, vosque A verbo veritatis instruat, Evangelio salutis erudiat, omniumque sanctorum charitate locupletet. Amen.

Quod ipse, etc., qui trinus.

BENEDICTIONES QUOTIDIANIS DIEBUS DICENDÆ.

Benedicat vobis Dominus, et custodiat vos. Amen. Illuminet faciem suam super vos, et misereatur vestri. Amen.

Convertat vultum suum ad vos, et donet vobis pacem. Amen.

Quod ipse.

Alia.

Omnipotens Deus sua vos clementia benedicat, et sensum vobis sapientiæ salutaris infundat. Amen.

Catholicæ fidei vos documentis enutriat, et in sanctis operibus perseverabiles reddat. Amen.

Gressus vestros ab errore convertat, et viam vobis pacis et charitatis ostendat. Amen.

Quod ipse.

Alia.

Inclinat Dominus aurem suam ad preces vestræ humilitatis, et det vobis gratiam suæ benedictionis, et præmium sempiternæ salutis. Amen.

Semper et ubique Dominum propitium habeatis, et in ejus laudibus exsultetis. Amen.

Omnium peccatorum vestrorum vincula solvat, et ad gloriam sempiternam vos pervenire faciat. Amen.

Quod ipse.

Alia.

Devotionem vestram Dominus dignanter intendat, C et suæ vobis benedictionis donum concedat. Amen.

Talique vos in præsentis sæculo subsidio muniat, ut paradisi vos in futuro habitatores efficiat. Amen.

Sicque corda vestra sanctificando benedicat, et benedicendo sanctificet, ut vobiscum, imo in vobis, eum jugiter habitare delectet. Amen.

Quod ipse.

Alia.

Det vobis Dominus munus suæ benedictionis, et repleat vos Spiritu veritatis et pacis. Amen.

Quatenus sic per viam salutis devota mente curatis ut subripientium delictorum laqueos salubriter evadatis. Amen.

Sicque efficiamini in ejus supplicatione devoti, et in mutua dilectione sinceri, ut ad cœleste regnum D pervenire possitis securi. Amen.

Quod ipse.

Alia.

Concedat vobis Deus omnipotens munus suæ benedictionis, qui vestræ est conscius infirmitatis. Amen.

Et qui vobis supplicandi tribuit affectum, tribuat consolationis auxilium. Amen.

Ut ab eo et præsentis et futuræ vitæ subsidia capiatis, cujus vos bonitate creatos esse creditis. Amen.

Alia.

Omnipotens Deus cœlesti vos protectione circum-

det, et suæ benedictionis dono locupletet. Amen.

Concedatque vobis ut qui in sola spe gratiæ cœlestis innitimini, cœlesti etiam protectione muniamini. Amen.

Quatenus et in-præsenti sæculo mortalis vitæ solatia capiatis, et sempiterna gaudia comprehendere valeatis. Amen.

Quod ipse.

Alia.

Omnipotens Deus dexteræ suæ perpetuo vos circumdet auxilio, et benedictionum suarum repleat dono. Amen.

Ab omni vos pravitate defendat, et donis cœlestibus exuberare concedat. Amen.

Quo corpore mundati ac mente, talem ei exhibeatis B beatam servitatem, per quam suam consequi valeatis propitiationem. Amen.

Quod ipse.

Alia.

Purificet omnipotens Deus vestrorum cordium arcana, et benedictionis suæ vobis tribuat incrementa. Amen.

Ab omnibus vitæ præsentis periculis exuamini, et virtutum spiritalium ornamentis induamini. Amen.

Quo illius adjutorio fulti, sic ei serviat in terris, ut ei conjungi valeatis in cœlis. Amen.

Quod ipse.

Alia.

Omnipotens Deus universa a vobis adversa excludat, et suæ super vos benedictionis dona propitiatus C infundat. Amen.

Corda vestra efficiat sacris intenta doctrinis, quo possint repleri beneficiis sempiternis. Amen.

Quatenus exsequenda intelligentes, et intellecta exsequentes, et inter adversa mundi inveniamini indemnes, et beatorum spirituum efficiamini coheredes. Amen.

Quod ipse.

Alia.

Omnipotens Deus dies vestros in sua pace disponat, et suæ vobis benedictionis dona concedat. Amen.

Ab omnibus vos perturbationibus liberet, et mentes vestras in suæ pacis tranquillitate consolidet. Amen.

Quatenus spei, fidei et charitatis gemmis ornatu et præsentem vitam transigatis illæsi, et ad æternam perveniatis securi. Amen.

Quod ipse

B. IN SYNODO.

Dominus messis et corporalis et spiritalis dei vobis incrementa gratiæ sacerdotalis. Amen.

Ut manu et lingua pauperes Christi recreantes, cum istis statis ovantes. Amen.

Et ad dexteram constituti participium percipiatis agni Dei. Amen.

Quod ejus dignatione fieri postulemus, qui quos ante sæculum præscivit et prædestinavit, et ante finem sæculi vocavit et justificavit, in fine sæculi glorificabit. Amen.

Alia.

Cautos vos Dominus faciat contra peccata, a vobis vel a fratribus vestris admissa. Amen.

Ut illa non negligatis, sed studiose curare curetis. Amen.

Quatenus de lucro fraterno exsultetis cum Patre sempiterno. Amen.

Quod ipse præstare dignetur, cujus regnum et imperium sine fine permanet.

Item alia.

Qui dispersos Israel congregat, ipse vos hic et ubique custodiat. Amen.

Et non solum vos custodiat, sed et ovium suarum idoneos custodes efficiat. Amen.

Ut cum summo pastore Christo de gregum suorum pastione gaudeatis in caelo. Amen.

Quod ipse, etc., qui cum Patre.

B. SUPER REGEM TEMPORE SYNODI.

Benedicat tibi Dominus custodiatque te, et sicut te voluit super populum suum constituere regem, ita et in præsentî sæculo felicem, et æternæ felicitatis tribuat esse consortem. Amen.

Clerum ac populum quem sua voluit opitulatione tua sanctione congregari, sua dispensatione, et tua administratione per diuturna tempora faciat feliciter gubernari. Amen.

Quatenus divinis monitis parentes, adversitatibus omnibus carentes, bonis omnibus exuberantes, tuo ministerio fideli amore obsequentes, et in præsentî sæculo pacis tranquillitate fruantur, et tecum æternorum civium consortio potiri mereantur. Amen.

Quod ipse.

Alia.

Omnipotens Deus qui te populi sui voluit esse rectorem, ipse te cœlesti benedictione sanctificans, æterni regni faciat esse consortem. Amen.

Concedatque tibi contra omnes fidei Christianæ hostes visibiles atque invisibiles victoriam triumphalem, et pacis et quietis ecclesiasticæ felicissimum te fieri longe lateque fundatorem. Amen.

Quatenus te gubernacula regni tenente, populus tibi subjectus, Christianæ religionis jura custodiens, undique tutus, pace tranquilla perfruatur, et te concilio regum beatorum collocato, æterna felicitate ibidem tecum pariter gaudere mereatur. Amen.

Quod ipse.

B. IN ORDINATIONE EPISCOPI.

Omnipotens Deus, qui in populo suo ministerio utitur sacerdotum, conferat vobis suæ propitiationis et benedictionis donum. Amen.

Quique me indignum, nullis existentibus meritis, sed gratuita sua pietate huic Ecclesiæ præesse voluit, suffragiis sanctorum suorum me ab omnibus vinculis peccatorum absolvat, sanctisque suis altaribus strenuum dignumque ministrum efficiat. Amen.

Quatenus per exempla sanctorum sacerdotum, qui in hac sede et in hoc ministerio ei placuerunt gradientes, gregemque commissum secundum suam vo-

A iuntatem, eo opitulante, regentes, ab omnium pastorum pastore Christo Domino præmia sanctis promissa una cum subditis percipere, et in electorum numero mereamur adjungi. Amen.

Quod ejus dignatione fieri postulemus.

B. IN ANNIVERSARIO PONTIFICIS.

Deus qui populis suis indulgendo consulit, et amore dominatur, det spiritum sapientiæ quibus tradidit regimen disciplinæ, ut de profectu sanctarum ovium fiant gaudia æterna pastorum. Amen.

Et qui dierum nostrorum numerum temporumque mensuras majestatis suæ potestate dispensat, propitius ad humilitatis nostræ respiciat servitutem, et pacis suæ abundantiam temporibus nostris præcedat et conservet. Amen.

B Collatis quoque in me per gratiam suam propitietur muneribus, et quem fecit gradu episcopali sublimem, faciat operum perfectione sibi placabilem, atque in illum affectum dirigat cor plebis et præsulis, ut nec pastori obedientia gregis, nec gregi unquam desit cura pastoris. Amen.

Quod summa Trinitas præstare dignetur.

B. PRO ITER AGENTIBUS.

Dirigat iter vestrum Dominus in beneplacito suo, vobisque inseparabiliter benignissimus custos inhaereat. Amen.

Ducem vobis archangelum Raphaellem adhibeat, et omnem a vobis incommoditatem atque contrarietatem propitiatus amoveat. Amen.

C Desideriorum vestrorum pia vota clementer impleat, ut et hic bona consequi, et ad æternam beatitudinem pervenire feliciter mereamini. Amen.

Quod ipse.

B. IN DEDICATIONE ECCLESIAE.

Omnipotens Deus qui vos hodierna die ad dedicationem istius aulæ dignatus est adunare, ipse vos cœlesti benedictione dignetur locupletare. Amen.

Quod ipse.

Concedatque vobis fieri templum suum et habitaculum Spiritus sancti, qui proprium Filium suum Dominum nostrum Jesum Christum pro vobis elegit immolari. Amen.

D Quatenus mente et corpore purificati, habitatorem Deum in vobismetipsis semper habere possitis, et æternæ beatitudinis hereditatem cum sanctis et electis possidere valeatis. Amen.

Quod ipse.

B. IN DEDICATIONE VIOLATÆ ECCLESIAE.

Benedicat et eustodiat vos omnipotens Dominus, domumque hanc sui sancti muneris præsentia illustret, atque suæ pietatis oculos super eam die ac nocte dignetur aperire. Amen.

Concedatque propitius ut omnes qui ad dedicationem hujus basilicæ devote convenistis, intervenientibus omnibus sanctis, veniam hic peccatorum vestrorum accipere mereamini. Amen.

Quatenus gratia Dei vos ipsi templum sancti Spi-

ritus efficiamini, et in ipso Deo jugiter delectemini A
habitare. Amen.

Quod ipse.

B. IN ANNIVERSARIO DEDICATIONIS ECCLESIAE.

Omnipotens Deus, qui vos annua hujus templi dedicatione dignatus est lætificare, ipse vos æterna benedictione dignetur sanctificare. Amen.

Concedatque vos mente et corpore castificatos, fieri proprium templum et habitaculum Spiritus sancti sempiternum. Amen.

Quatenus tali habitatore gaudentes, et Spiritu sancto ferventes, inter mundana discrimina semper cœlestia desideretis, et ad hæc quandoque possidenda pervenire possitis. Amen.

Quod ipse.

B. IN TRIDUANO JEJUNIO.

Die primo.

Deus, qui operatur in sanctis suis et velle et perficere pro bona voluntate, devotionem vestram ad exsequendam salutaris abstinentiæ medicinam sua excitet miseratione et corroboret benedictione. Amen.

Quique castigat omnem filium quem recipit, non vos patiatur in flagellis quæ meremur impatientiæ vitio titubare, sed ad suam faciat pietatem humili supplicatione confugere. Amen.

Et qui fragilitatem humanæ mutabilitatis, utpote creator, agnoscit, auxilium suum bonis inchoationibus vestris accommodet, ut ipso duce, quo incitatore, quæ ad veram salutem pertinent, peragatis. Amen. C

Quod ipse.

Die secundo.

Omnipotens Deus, qui Ninivitarum culpas ita ferire disposuit, ut potius eligeret misereri conversis, vos benedictione sua ditatos, digne faciat pœnitere quod male gessistis, et largiatur præmia quæ pie desideratis. Amen.

Concedatque humilitati vestræ ut ita corpora, amplectendo parcimoniam, ab epularum deliciis abstineant, quatenus mentes vestræ esurientes et sitientes justitiam, ab illecebris male blandientium jejument vitiorum. Amen.

Accedant corda vestra timore casto et amore perfecto, ut evadatis mala reis timenda et adipiscamini bona perennia beatis speranda. Amen.

Quod ipse.

B

Die tertio.

Misericors et miserator Dominus, benignissimus humanæ salutis amator, sua benedictione vos in bono confirmet, et ad æternæ beatitudinis perfectionem vota vestra perducat. Amen.

Atque temporalium injurias afflictionum, quæ pro excessibus vestris necessaria disciplinæ emendationis provisione irrogat, ita modifcet, ut et adversa per fortitudinem animi sufferre possitis, et prospera sine mentis enervatione in gratiarum actionem vertatis. Amen.

Convertat luctum vestrum in gaudium spiritale, et ita vos in se credere, de se sperare, se amare concedat, ut specie acræ [*f. sacræ*] atque æternæ visionis suæ vos perfectione beatificet ac coronet. Amen.

Quod ipse.

PRÆFATIONES ANTIQUÆ

PER ANNI CIRCULUM.

PAMELII MONITUM.

Has quoque *Præfationes Sacramentorum* libro adjectisse se scribit Grimaldus abbas. (*Præfationes* porro, inquit, in fine hujus posuimus codicis, ut ab his quibus placent charitate suscipiantur et canantur. Ab his vero qui eas intelligunt, nec tamen delectantur, nec non et ab his qui eas volunt, nec tamen intelligunt, poscimus ut nec assumantur nec canantur.) Quorum tamen *Præfationum* plerasquæ mea quidem sententia, Grimaldo et ipso D. Gregorio vetustiores esse, imo Gelasianas et Ambrosianas complures, ut credam vel illud me movit quod harum nonnullas inter Ambrosianas repererim, usque adeo ut eas esse duntaxat Grimaldi aut Alcuini mihi persuadeam quas uncis inclusimus. Cæteras ex earum numero esse censeo de quibus ad episcopos Germaniæ et Galliæ scribit D. Gregorii decessor Pelagius II, cum *Præfationem* quotidianam, cæteris prætermisissis, novem tantummodo præfationibus secundum antiquum Romanum ordinem commutan-

dam esse statuit, scilicet in Natale Domini, Epiphania, Pascha, Ascensione, Pentecoste, item de S. Trinitate, de Apostolis, de sancta Cruce, et de jejuni quadragesimali. Quibus postea (teste Radolpho loco sæpe citato) Urbanus II, in concilio Placentiæ celebrato, decimam de Virgine addidit anno 1095. Neque vero propterea supprimendas quis dixerit; nihil obstat quominus ex devotione privatim legantur, dummodo in publico missæ sacrificio prætermittantur; et cum de antiquitate illorum constet, non uno certe loco fidei catholicam contra adversarios asserunt. Ambrosianis, ut credimus, et Gelasianis *Præfationibus A et G* litteras, ac his quas et mss. codicibus recens edidimus, *Ms. prænotavimus.*

PRÆFATIONES DE TEMPORE.

IN VIGILIA NATIVITATIS DOMINI.

(*Ambr.*) Æternæ Deus. Per Christum Dominum